



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

Bulla facultatis transferendi Concilij.

**urn:nbn:de:hbz:466:1-42415**

BVLLA FACVLTATIS  
TRANSFERENDI  
Concilij.

**P**Aulus Episcopus, seruus seruorum Dei,  
venerabili fratri, Ioanni Mariae, Episcopo  
Prænestino, & dilectis filijs, Mar-  
cello tit. S. Crucis in Hierusalem presbytero, ac  
Reginaldo S. Marie in Cosmedin Diacono,  
Cardinalibus nostris, & Apostolicæ Sedis Le-  
gatis de latere, salutem, & Apostolicam be-  
nedictionem.

Regimini vniuersalis Ecclesiæ, meritis licet  
imparibus, disponēte Domino, presidentes no-  
stri officij partes esse putamus, vt si quid gra-  
uius causa Reipublicæ Christianæ constiuen-  
dum sit, id non modo tēpore opportuno, verū  
etiam loco commodo, & idoneo perficiatur. Cū  
itaque nos nuper, postquam suspensionem cele-  
brationis sacri œcumenici & vniuersalis Con-  
cilij, alias per nos in ciuitate Tridentina, ex  
causis tunc expressis, de venerabilium fratrum  
nostrorum, S. R. E. Cardinalium consilio & af-  
fensu indicti, ex certis alijs etiam tūc expressis  
causis, vsque ad aliud oportunius, & commo-  
dius tempus per nos declarādum, de simili cō-  
silio, & assensu factam, audita pace inter ca-  
rissimos in Christo filios nostros, Carolum Rō.  
Imperatorem semper Augustū, & Frānciscum

Francorum Regem Christianissimum, concilia-  
 ta, pari consilio & assensu, sustuleramus, &  
 amoueramus: neque ūtes ipsi, tūc legitimè im-  
 pediti, ad dictam ciuitatem personaliter acce-  
 dere, & eidē Concilio interesse, vos nostros, &  
 Apostolice Sedis Legatos de latere, in eodem  
 Concilio de simili consilio cōstituerimus, et de-  
 putauerimus, vosq; ad eandem ciuitatem, tā-  
 quam pacis angelos, destinauerimus, prout in  
 diuersis nostris de super confectis litteris, ple-  
 niūs continetur. Nos, ne tam sanctum celebra-  
 tionis Concilij huiusmodi opus ex incōmoditate  
 loci, aut aliās quouis modo impediatur, aut  
 plus debito differatur, opportunè prouidere vo-  
 lētes, Motu proprio, & ex certa sciētia, ac de  
 Apostolice potestatis plenitudine, pariq; cōsi-  
 lio & assensu, vobis insimul, aut duob. ex vo-  
 bis, reliquo legitimo impedimēto detento, seu  
 inde fortē absēte, quādocūq; vobis videbitur,  
 Concilium predictū de eadem ciuitate Triden-  
 tina ad quācumq; aliam cōmodiorem, & op-  
 portuniorem, seu tutiorem ciuitatem, de qua  
 vobis ēt videbitur, transferendi & mutandi,  
 ac illud in ipsa ciuitate Tridentina supprimē-  
 di, & dissoluendi; nec non Prelatis, & alijs  
 personis Concilij huiusmodi, ne in eo ad vltimo-  
 ra in dicta ciuitate Tridentina procedant; etiā  
 sub censuris, & pœnis Ecclesiasticis inhibendi,  
 ac idem Concilium in alia ciuitate huiusmodi  
 ad quam illud trāsferri, & mutari contigerit.

continuandi, tenendi, & celebrandi, & ad il-  
 lud Prælatos, & alias personas Concilij Tridē-  
 tini huiusmodi etiam sub periurij, & alijs in  
 litteris indictmentis Cōcilij huiusmodi expressis  
 pœnis, euocandi, eidemq; sic translato & mu-  
 tato Concilio, nomine & auctoritate prædictis  
 præsidendi, ac in eo procedendi, cæteraque in  
 præmissis, & circa ea necessaria & opportuna,  
 alias iuxta priorū vobis directarum litterarū  
 cōtinentiā, & tenorem, faciendi, statuēdi, or-  
 dinandi, & exequendi, plenam & liberam A-  
 postolica auctoritate tenore præsentium cōce-  
 dimus potestatem, & facultatem, ratū & gra-  
 tū habituri, quidquid per vos in præmissis fa-  
 ctum, statutum, ordinatū, executum ve fuerit,  
 idque facturi, auctore Domino inuiolabiliter  
 obseruari: Non obstantib. constitutionibus, &  
 ordinationibus Apostolicis, ceterisq; cōtrarijs  
 quibuscumque. Nulli ergò omnino hominū li-  
 ceat hanc paginam nostræ concessionis infringē-  
 gere, vel ei ausu temerario contraire. Si quis  
 autem hoc attentare præsumpserit, indignatio-  
 nem omnipotentis Dei, ac beatorum Petri, &  
 Pauli Apostolorum eius, se nouerit incursturū  
 Datum Romæ, apud S. Petrum, anno Incarnati-  
 onis Dominicæ, M. D. XLIV. 8. Kal. Mart.  
 Pontificatus nostri anno II.

Fab. Episcopus Spol.  
 B. Motta.

D 7

SE-